

**ხელშეკრულება N ეკ/65**  
**სახელმწიფო შესყიდვების შესახებ**

ქ. თბილისი

21 მაისი 2019 წელი

ერთის მხრივ, არასამეწარმეო (არაკომერციული) იურიდიული პირი „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი დირექტორის თამაზ დარჩიძის სახით და მეორე მხრივ, შპს „პრიმო“ (შემდგომში „მიმწოდებელი“) წარმოდგენილი დირექტორის დავით ზაქარაიას სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ვ“ ქვეპუნქტის საფუძველზე, გამარტივებული შესყიდვის ფორმით დადეს სახელმწიფო შესყიდვის შესახებ ხელშეკრულება შემდეგზე:

**1. ხელშეკრულების ტერმინების განმარტება**

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
- 1.2. „შემსყიდველი“ - ორგანიზაცია, რომელიც ახორციელებს შესყიდვას.
- 1.3. „მიმწოდებელი“ - ორგანიზაცია, რომელიც ახორციელებს მომსახურების გაწევას ამ ხელშეკრულების ფარგლებში.
- 1.4. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

- 2.1. ხელშეკრულების საგანს წარმოადგენს პირველი საერთაშორისო სამეცნიერო კონფერენციის „საქართველოს ბიომრავალფეროვნების კვლევისა და კონსერვაციის მიღწევები და პერსპექტივები“ კონფერენციის სტუმართა ბოტანიკური ბაღის ტურის ფარგლებში ფურშეტით მომსახურების სახელმწიფო შესყიდვა (იხ.დანართი #1).
- 2.2. CPV კოდი - 55300000 - რესტორნებისა და კვების საწარმოების მომსახურებები.

**3. ხელშეკრულების ღირებულება**

- 3.1. ხელშეკრულების ჯამური ღირებულება შეადგენს 700 (შვიდასი) ლარს.
- 3.2. ხელშეკრულების ფასი შეიცავს მიმწოდებლის ყველა ხარჯს, დაკავშირებულს მოწოდებასთან, მათ შორის კანონმდებლობით დადგენილ ყველა გადასახადს.

**4. ანგარიშსწორების ფორმა და ვადები**

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. დაფინანსების წყარო - ეკონომიკური შემოსავლები.
- 4.3. მიმწოდებელთან ანგარიშსწორება იწარმოებს ფაქტიურად გაწეული მომსახურების შესაბამისად გაფორმებული მიღება-ჩაბარების აქტის საფუძველზე.
- 4.4. შემსყიდველის მიერ გაწეული მომსახურების ანაზღაურება მოხდება მიმწოდებლის მიერ მიღება-ჩაბარების აქტზე ხელის მოწერიდან 10 (ათი) სამუშაო დღის განმავლობაში.

**5. მომსახურების მიღება-ჩაბარების წესი**

- 5.1. მომსახურება ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს საზოგადოებასთან ურთიერთობისა და მარკეტინგის განყოფილების უფროსი გიორგი თარხნიშვილი.

**6. მომსახურების გაწევის ვადა და ადგილი**

- 6.1. მომსახურების გაწევა უნდა მოხდეს 2019 წლის 29 მაისის ჩათვლით შემსყიდველის მოთხოვნის შესაბამისად.
- 6.2. მომსახურების მიწოდების ადგილია ქ. თბილისი, ბოტანიკურის ქ. #1

**7. მხარეთა უფლება-მოვალეობები**

- 7.1. შემსყიდველს უფლება აქვს შეამოწმოს მომსახურების შესაბამისობა ხელშეკრულებით გათვალისწინებულ პირობებთან და განახორციელოს ხარისხის კონტროლი და ზედამხედველობა მიმწოდებლის მიერ ხელშეკრულების პირობების დაცვაზე. შემსყიდველის მხრიდან ინსპექტირებას უზრუნველყოფს საზოგადოებასთან ურთიერთობისა და მარკეტინგის განყოფილების უფროსი გიორგი თარხნიშვილი.
- 7.2. შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.
- 7.3. შემსყიდველი ვალდებულია აუნაზღაუროს მიმწოდებელს გაწეული მომსახურების ღირებულება წინამდებარე ხელშეკრულებით გათვალისწინებული პირობებით.
- 7.4. მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.
- 7.5. მიმწოდებელი ვალდებულია გაუწიოს მომსახურება ხელშეკრულებით გათვალისწინებულ ვადებში.

## 8. პირგასამტეხლო ხელშეკრულების პირობების შეუსრულებლობისათვის

8.1. მომსახურების არაჯეროვნად შესრულების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 5%-ის ოდენობით.

8.2. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

## 9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;

გ) იმ შემთხვევაში, თუ მიმწოდებლის მხრიდან მომსახურების გაწევა მოხდა ვადების დარღვევით.

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;

ე) საქართველოს კანონმდებლობით გათვალისწინებულ სხვა შემთხვევებში;

## 10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

## 11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 15 დღის განმავლობაში, დავის გადასაწყვეტად მხარეები უფლებამოსილნი არიან მიმართონ თბილისის საქალაქო სასამართლოს საქართველოს მოქმედი კანონმდებლობის შესაბამისად.

## 12. ხელშეკრულების ენა და მოქმედების ვადები

12.1. ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.2. ხელშეკრულება ძალაში შედის ხელმოწერიდან და მოქმედებს 2019 წლის 31 აგვისტოჩათვლით.

## 13. მხარეთა რეკვიზიტები

### შემსყიდველი:

ა(ა)იპ საქართველოს ეროვნული ბოტანიკურ ბაღი

მის: ქ. თბილისი, ბოტანიკური ქ. #1

ს/კ: 404405960

ბანკი: სახელმწიფო ხაზინა

ბანკის კოდი TRESGE22

ანგ. #741 887 499

დირექტორი

თამაზ დარჩიძე

### მიმწოდებელი:

შპს პრიმო

მის: ქ. თბილისი, ყიფშიძის ქ. #9

ს/კ: 406051052

ბანკი: სს პროკრედიტ ბანკი

ბანკის კოდი: MIBGGE22

ანგ: GE 30PC 0453 6001 0000 2895

დირექტორი

დავით ზაქარაია

2019 წლის 21 მაისის #ევ/65 ხელშეკრულების დანართი #1

#	დასახელება	რაოდენობა
1	ბადრიჯნის სალათი	20
2	ქათმის სალათი	20
3	ქაშა სოკოს სალათი	20
4	ფხალეულის ასორტი (ისპანახი, ბადრიჯანი, წითელი ხალი)	20
5	ყველის ასორტი (პოლანდიური ყველი, სულგუნი, შებოლილი სულგუნი, სულგუნის ფირფიტები პიტნიანი ნადულით)	20
6	ძეხვის ასორტი	20
7	მინი ქაბაბი	20
8	ქათმის რულეტი	20
9	ბოსტნეულის ასორტი	20
10	ლობიანი	20
11	სენდვიჩი	20
12	პურის ასორტი	20
13	მწვადი	20
14	წვენი	20
15	მინერალური	20
16	ხილის ასორტი	20
17	ნამცხვრის ასორტი	20
18	წვენი	20
19	თევზი (ორი სახეობა ჩხირზე)	20
20	ქათმის მწვადი (ცხირზე)	20
21	ღვინო წითელი	20
22	ღვინო თეთრი	20

**შემსყიდველი:**

ა(ა)იპ საქართველოს ეროვნული ბოტანიკურ ბაღი

მის: ქ. თბილისი, ბოტანიკური ქ. #1

ს/კ: **404405960**

ბანკი: სახელმწიფო ხაზინა

ბანკის კოდი TRESGE22

ანგ. #**741 887 499**

დირექტორი

**თამაზ დარჩიძე**

**მიმწოდებელი:**

შპს პრიმო

მის: ქ. თბილისი, ყიფშიძის ქ. #9

ს/კ: **406051052**

ბანკი: სს პროკრედიტ ბანკი

ბანკის კოდი: MIBGGE22

ანგ: **GE 30PC 0453 6001 0000 2895**

დირექტორი

**დავით ზაქარაია**

## ხელწერილი

ინტერესთა კონფლიქტის არარსებობის შესახებ

ქ. თბილისი

21 მაისი 2019 წელი

ვადასტურებთ, რომ არასამეწარმეო (არაკომერციული) „საქართველოს ეროვნულ ბოტანიკურ ბაღსა“ და შპს „პრიმო“-ს შორის გაფორმებული ხელშეკრულების ფარგლებში შესყიდვის განხორციელებაში ჩვენი მონაწილეობა არ იწვევს ინტერესთა კონფლიქტს და არ ეწინააღმდეგება „სახელმწიფო შესყიდვების შესახებ“ კანონის მე-8 მუხლის მოთხოვნებს.

ა(ა)იპ საქართველოს ეროვნული ბოტანიკური ბაღის

დირექტორი

**თამაზ დარჩიძე**